



Broj: 05-04-20-2821-6/25
Maglaj, 04.08.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2821-3/25 od 01.08.2025. godine, u postupku javne nabavke „Održavanje, rekonstrukcija i sanacija lokalnih cesta i gradskih ulica na području općine Maglaj“, Općinski načelnik donosi

ODLUKU
o izboru najpovoljnijeg ponuđača
za LOT 2

I

Prihvata se preporuka Komisije za javne nabavke i ugovor o nabavci radova na sanaciji udarnih rupa asfaltnom masom lokalnih cesta i gradskih ulica i saobraćajnoj signalizaciji na području općine Maglaj dodjeljuje se ponuđaču „Hajdić“ d.o.o. Maglaj, u skladu sa ponudom broj 37-B/25 od 29.07.2025. godine, po ukupnoj cijeni od 63.018,10 KM bez PDV-a, odnosno 73.731,17 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2821/25 od 07.07.2025. godine, pokrenut je postupak javne nabavke „Održavanje, rekonstrukcija i sanacija lokalnih cesta i gradskih ulica na području općine Maglaj“, podijeljen na tri lota:

- LOT 1: Redovno održavanje, sanacija i rekonstrukcija lokalnih cesta, nekategorisanih cesta i gradskih ulica na području općine Maglaj;
- LOT 2: Sanacija udarnih rupa asfaltnom masom lokalnih cesta i gradskih ulica i saobraćajna signalizacija na području općine Maglaj;
- LOT 3: Sanacija i rekonstrukcija postojećih cesta i asfaltnih površina na području općine Maglaj.

Predmetna javna nabavka provedena je putem otvorenog postupka i objavljena na portalu javnih nabavki, obavještenje o nabavci broj 1140-1-3-84-3-71/25 od 07.07.2025. godine. Sažetak obavještenja o nabavci objavljen je u „Službenom glasniku BiH“, broj 40/25.

Procijenjena vrijednost nabavke za LOT 2 je 64.102,56 KM bez PDV-a, odnosno 75.000,00 KM sa uračunatim PDV-om. Kriterij za dodjelu ugovora je najniža cijena.

Postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude za LOT 2 (Sanacija udarnih rupa asfaltnom masom lokalnih cesta i gradskih ulica i saobraćajna signalizacija na području općine Maglaj), prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Porobić” d.o.o. Zavidovići	Radnička ulica bb, Zavidovići	28.07.2025. 13,50h	6752
2.	“Dobojputevi” d.d. Doboj Jug	Usorska 130, Matuzići	29.07.2025. 07,04h	6762
3.	“Hajdić” d.o.o. Maglaj	Misurići bb, Maglaj	29.07.2025. 08,18h	6763
4.	“Geo-put” d.o.o. Maglaj	Poljice bb, Maglaj	29.07.2025. 08,26h	6765

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, prilikom čega je utvrdila da sve zaprimljene ponude ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

E-aukcija za LOT 2 je zakazana za dan 01.08.2025. godine s početkom u 11,15 sati.

Nakon održane e-aukcije, konačna rang lista za LOT 2 (Sanacija udarnih rupa asfaltnom masom lokalnih cesta i gradskih ulica i saobraćajna signalizacija na području općine Maglaj) je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	“HAJDIĆ” D.O.O. MAGLAJ	63.018,10	73.731,17
2.	“POROBIĆ” D.O.O. ZAVIDOVIĆI	64.028,20	74.913,00
3.	“GEO-PUT” D.O.O. MAGLAJ	64.031,00	74.916,27
4.	“DOBOJPUTEVI” D.D. DOBOJ JUG	64.050,30	74.938,85

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na sanaciji udarnih rupa asfaltnom masom lokalnih cesta i gradskih ulica i saobraćajnoj signalizaciji na području općine Maglaj dodijeli ponuđaču „Hajdić“ d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 01.08.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



